



Broj: 04-40-1-310/24
Sarajevo, 06.11.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 05.11.2024. do 08:30 sati 06.11.2024. godine**

U izvještajnom periodu Kantonalni operativni centar civilne zaštite zaprimio je jednu informacije o pronalasku NUS-a i to dana, 05.11.2024. godine u 14:00 sati od Općinske službe civilne zaštite Vogošća, da je na području MZ Gora, pronađena jedna granata.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su jednu intervenciju, a odnosi se na obezbjeđivanje prilikom tankovanja goriva na Međunarodnom aerodromu „Sarajevo“.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije.

a) Lokalitet "Curine njive" – Opština Istočni Stari Grad i Opština Stari Grad (Bostarići)

Izlaskom na lice mjesta u više navrata u toku dana 05.11.2024.godine uočeno je da su na terenu i dalje prisutne duboke pukotine te da dolazi do pojave oticanja vode iznad lokaliteta "Curine njive-igralište" (dio Opštine Istočni Stari Grada Sarajevo).

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Trebević Hills" (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa padina Trebevića. Na predmetnom lokalitetu ne vrši se odlaganja nove količine zemljanog i kamenog materijala.

Dana 05.11.2024.godine održan je sastanak na kojem su sudjelovali predstavnici vlasti u Kantonu Sarajevo, Federaciji BiH i Republici Srpskoj, s ciljem razmatranja hitne sanacije klizišta na teritoriji Opštine Istočni Stari Grad, a koje ugrožava naseljeno područje u Općini Stari Grad Sarajevo. Sastanku su prisustvovali: Premijer Kantona Sarajevo Nihad Uk, Federalna ministrica okoliša i turizma Nasiha Pozder, načelnici općina Stari Grad Sarajevo Irfan Čengić i Istočni Stari Grad Bojo Gašanović, zamjenik načelnika Istočnog Starog Grada Njegoš Plakalović, dopredsjedavajuća Skupštine KS Jelena Pekić, direktorica Zavoda za izgradnju KS Belma Barlov, direktor Civilne zaštite KS Dženan Brkanić, predsjednik Skupštine Istočni Stari Grad Vladimir Cincar, njihovi saradnici, te predstavnik Mjesnog savjeta Mjesne zajednice "Širokača".

Preliminarnim izvještajem Zavoda za izgradnju KS, kao i Izvještajem Interinstitucionalne radne grupe i zaključcima dostavljenim od strane Općine Stari Grad Sarajevo, ranije su utvrđene, a na današnjem sastanku ponovljene konkretne mjere za sanaciju klizišta koje podrazumijevaju:

- Zaustavljanje odlaganja materijala i postavljanje ograde;
- Drenaža nožičnom dijelu klizišta i kontrolisano odvođenje vode iz tijela klizišta do najbližeg recipijenta;
- Geodetski monitoring klizišta;
- Projekat sanacije padine;
- Odvožnja materijala prema projektu sanacije padine.

U narednom periodu, a uz saradnju ovih nivoa vlasti, bit će realizovani ovi koraci, a sve aktivnosti će biti u skladu sa preporukama stručnih timova i sigurnosnim standardima.

U skladu sa ovim mjerama, zaključeno je da će projektni zadatak za izradu projekta sanacije padine na kojoj je bespravno odlagan građevinski materijal, sačiniti Zavod za izgradnju Kantona Sarajevo, te napraviti plan drenaže u nožičnom dijelu klizišta i plan kontrolisanog odvođenja vode iz tijela klizišta do najbližeg recipijenta.

U svrhu izrade projekta sanacije, ali i monitoringa klizišta, geodetsko snimanje kompletnog lokaliteta zajednički će realizirati Federalno ministarstvo okoliša i turizma i Opština Istočni Stari Grad.

Postignuta je saglasnost, uvažavajući analize struke, da je neophodno kao hitnu mjeru realizirati prokopavanje rigola u što kraćem roku, te zatvaranje propusta koji su trenutno na terenu otvoreni, kako se stanje na terenu ne bi dodatno pogoršalo uslijed eventualnih padavina, te je to mjera koju je potrebno realizirati u narednim danima.

Jedna od hitnih mjera je i zabrana daljeg odlaganja građevinskog materijala, pa su prisutni obavješteni od strane Službe za civilnu zaštitu Općine Stari Grad Sarajevo da je tokom njihovih kontinuiranih obilazaka terena uočen nastavak nelegalnog odlaganja ovog materijala u neposrednoj blizini padine koja je detektovana kao uzrok pojave klizišta, što predstavlja dodatnu opasnost za eventualno pokretanje tla zbog dodatnog pritiska.

b) Lokalitet Bistrički potok – Općina Stari Grad (Boguševac) i Opština Istočni Stari Grad

Izlaskom na lice mjesta dana 05.11.2024.godine uočeno je da je i dalje djelimično zasuto korito Bistričkog potoka, materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

c) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine.

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine, uposlenici Službe civilne zaštite i Službe za poslove mjesnih zajednica Općine Stari Grad Sarajevo u toku dana 05.11.2024.godine obišli su predmetni lokalitet i stambene objekte te upoznali su građane o svim daljnjim aktivnostima koje će biti poduzete od strane Općinskog štaba civilne zaštite i Službe civilne zaštite Općine Stari Grad Sarajevo u skladu sa Naredbom Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad kao i Planom evakuacije i

zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine.

Postupajući po Naredbi Štaba civilne zaštite Kantona Sarajevo o evakuaciji stanovništva sa sa ugroženog područja Općine Stari Grad, broj: 08-40-1128-2/24 od 01.11.2024.godine, Općinski Štabovi civilne zaštite Centar Sarajevo, Novo Sarajevo i Novi Grad Sarajevo, kao i službe civilne zaštite navedenih općina, su u toku dana 05.11.2024.godine u sklopu redovnih aktivnosti pružili neophodnu stručnu podršku Službi civilne zaštite Općine Stari Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 1°C, vlažnost zraka 96%, barometarski pritisak 955,4 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a